

# LA QUOTIDIANA

FMR Fundaziun Medias Rumantschas, Via da Masans 2, 7000 Cuiras, 081 544 89 11, redacziun@fmr.ch



## mira!cultura tar Surselva Turissem

Surselva Turissem ha surpiglià sin ils 1. da fanadur 2024 la marca mira!cultura.

Pagina 5



## Lumnezia e Trun/Rabius perdan lur partidas

Novs svilups sin las tabellas dal ballape regional: Duas da las trais fermas equipas sursilvanas perdan.

Pagina 11

FMR FUNDAZIUN  
MEDIAS  
RUMANTSCHAS

südostschweiz

## SURSELVA

### Via Migliè entochen Losanna

Las organisaziuns per la protecziun dalla natira desistan da recuorer alla Dertgira federala pertuccond la via da colligiaziun planisada denter Vuorz e Breil, la via da Migliè. Perquei ch'ellas vesan paucas schanzas che la Dertgira federala dess raschun als arguments dalla organisaziun, sco quei che la meinafatschenta dil WWF Grischnun, Anita Mazzetta di viers la FMR. Ina gruppa privata da tschun persunas ei tutina sedecidida d'inoltrar in recuors encunter la decisiun dalla Dertgira administrativa grischna dils 26 da zercladur 2024. Sco quei ch'in dils recuorents, Martin Pfister, di per tema ch'il traffic da transit tras il vitg da Vuorz prenda tier. (fmr)

Pagina 3

## GRISCHUN

### In grond atlas per il globus grischnun

Las festivitads enturn ils 500 onns dal stadi da las Trais Lias cumpiglia quest onn tants puncts da program ch'ins pudess facilmain survesair ina u l'otra chaussa. Ina publicaziun fitg voluminusa, fatga bel ed aposta per il giubileum, n'è dentant strusch da survesair, perquai ch'igl è in «cudeschnun». Venderdi saira ha il «Atlas da l'istorgia dal Grischnun» gi en il Teater Cuiras sia vernissascha festiva. Igl è per uschedir in'ovra monumentalta gia mo pervi da sia realisaziun: radund 50 perscrutadras e perscrutaders han elavurà e visualisà durant quatter onns 50 differents champs en l'istorgia grischna. Il nov atlas visualisescha cun cartas, diagrams ed infograficas differents tematicas sco p.ex. las linguas, l'economia d'alp u la migraziun. L'immens project è vegni coordinà principalmain da l'istoricra Karin Fuchs e tgirà da l'Institut per la perscrutaziun da la cultura grischna (IKG).

Pagina 2



In atlas istoric da passa 220 paginas ed en trais versiuns linguisticas: per tudestg, talian e rumantsch.

FOTO YVONNE BOLLHALDER

## SURSELVA

### Solidaridad silla Alp Glivers

Dapi quater onns vegn l'Alp Glivers Dadens manischada dalla Societad agricultura solidarica da muntogna Surselva communalamein cun Nadia e David Deplazes. La pura ed il pur da Surrein corgan e mulschan lur cauras silla alp che sesanfla sin territori dalla vischnaunca da Sumvitg. Ils commembers dalla Societad agricultura solidarica tgiran l'alp e pertgiran las cauras. La dumengia vargada han ils pursanavels e la societad envidau a solver da caver sill'Alp Glivers Dadens e presentau la bilanza da lur collaboraziun probablamein unica egl entir cantun Grischnun. (fmr/ac)

Pagina 5

## I regna disfiduzcha in val

La disfiduzcha tanter la presidenta actuala da la Val Müstair e seis duos cuntracandidats ha raggiunt principi settember ün nov nivel. Ils duos concurrents han nempe perfin giavüschà cha las elecziuns vegnan survagliadas d'ün suprastant. Quai ha pisserà per disgusts eir in chanzlia cumünala.

MARTIN CAMICHEL/FMR

Var trais eivnas avant las elecziuns pel presidi cumünal da la Val Müstair s'han ils duos candidats Thomas Schadegg ed Ivo Lamprecht drizzats al Cumün da la Val Müstair. In vista a las elecziuns da dumengia passada han els dumandà, schi nu füss pussibel ch'ün suprastant cumünal surpigliess üna rolla da survaglianza d'ürant cha las vuschs vegnan dombradas. Tenor Thomas Schadegg s'haja uschè vulgü garantir chi nu vegnan drividas ingünas bustas d'elecziun fingià oura-

«Nus d'eiran fich schmorts da la skeptica invers nossa lavur. – Ün act da disfiduzcha.»

Not Manatschal,  
chanzlist Cumün da la Val Müstair

vant per üna precontrolla. L'Uffizi da cumüns dal Grischnun sco eir l'advocat dal Cumün da la Val Müstair han però dit cleramaing cha quista proposta nu füss realisabla e güstifichada, siond cha'l suprastant proponü füss stat eir amo ün collega d'elecziun da Schadegg/Lamprecht. «Eu sco eir meis collavuratur da l'administraziun d'eiran fich schmorts da quista dumonda per üna survaglianza e da la skeptica invers nossa lavur – ün act da disfiduzcha», disch Not Manatschal, chanzlist pro'l Cumün da la Val Müstair.

Pagina 9

«Igl migliers pommes earan quels suainter la chemotherapia.»

Romano Gasparini ha segiramain gi tutta raschun da giudair ses pommes. – Pagina 6



FOTO STEFANIE ELISA

## Egn giuven suonda agls sieus siemis

Igl giuven lenari d'Andeer, igl Romano Gasparini, magna davent da passa dus ons sia atgna fatschenda. Cun plagn schlàntsch a placher fa el sia lavur an la Val Schons, Val d'Avras, Valragn a la Tumleatga. D'unfànt à'l cumbatieu canzer, dantant a quella malzogna mena savieu farmar igl giuven lenari da suandar agls sieus siemis. Oziggi lavura el puspe cun la madema forza sco oters lavrants. (fmr/ste)

Pagina 6



20039



Servetsch d'abunents e da  
distribuziun: tel. 0844 226 226  
mail: abo@somedia.ch

9 771424 749004